

ՀԱՅ ԿԻՆԸ՝ ՈԳԻԻ ՍԵՐՄՆԱՑԱՆ

Posted on March 27, 2015 by Keghart

keghart.com

Category: [Opinions](#)



 **Մեր Դիտանկիւնէն**

Երան Գուլումճեան, Ազատ Խօսք, Երկոսիա, Մարտ 2015

Համայն աշխարհը հերթական անգամ տօնակատարեց Մարտի 8-ն, մեծարելով կիւնը որպէս մայր եւ ընդհանրապէս որպէս մարդկային ընկերութեան եւ քաղաքակրթութեան մէջ իր ինքնուրոյն տեղն ու դերը ունեցող անհատ, որուն լիարժէք ընկերային ազատագրումը եւ աշխարհի ու երկիրներու կառավարման բարձրագոյն օղակներուն մէջ անոր մասնակցութիւնը տակաւին կը մնան շատ թերի....Կը շարունակուին դեռ անոր շահագործումը, անոր իրաւունքներու բռնաբարումը՝ նոյնիսկ ամէնէն զարգացած երկիրներու մէջ ալ:



Մեր մօտ նոյնպէս, հակառակ հայ կնոջ նկատմամբ յարգանքի եւ մեծարանքի բարձրագոյն եւ ջերմագոյն արտայայտութիւններուն, հայ կիւնը դեռեւս լիարժէք չէ ներկայացուած՝ հայ կեանքն ու անոր ճակատագիրը տնօրինող բարձրագոյն կառոյցներուն մէջ, որպէս որոշում կայացնող, այր մարդուն հաւասար անձ ու անհատականութիւն: Վստահաբար, հայ կեանքը՝ ի Հայաստան եւ ի Սփիւռս, շատ բան պիտի շահեր եթէ հայուհին աւելի ներգրաւուէր ազգային-հասարակական-պետական կեանքի ամէնէն պատասխանատու պաշտօններու մէջ, եւ ոչ միայն իր գիտելիքներով ու հմտութեամբ, այլեւ իր անձնագոհութեամբ, անկոտրում ոգիով, նուրբ զգայնութեամբ, խորաթափանցութեամբ ու հնարամտութեամբ՝ կարենար իր բարերար նպաստը բերել հայ կեանքի բարեկարգման եւ զարգացման կարելոր գործին մէջ:

 **Մեր Դիտանկիւնէն**

Երան Գուլումճեան, Ազատ Խօսք, Երկոսիա, Մարտ 2015

Համայն աշխարհը հերթական անգամ տօնակատարեց Մարտի 8-ն, մեծարելով կիւնը որպէս մայր եւ ընդհանրապէս որպէս մարդկային ընկերութեան եւ քաղաքակրթութեան մէջ իր ինքնուրոյն տեղն ու դերը ունեցող անհատ, որուն լիարժէք ընկերային ազատագրումը եւ աշխարհի ու երկիրներու կառավարման բարձրագոյն օղակներուն մէջ անոր մասնակցութիւնը տակաւին կը մնան շատ թերի....Կը շարունակուին դեռ անոր շահագործումը, անոր իրաւունքներու բռնաբարումը՝ նոյնիսկ ամէնէն զարգացած երկիրներու մէջ ալ:



Մեր մօտ նոյնպէս, հակառակ հայ կնոջ նկատմամբ յարգանքի եւ մեծարանքի բարձրագոյն եւ ջերմագոյն արտայայտութիւններուն, հայ կիւնը դեռեւս լիարժէք չէ ներկայացուած՝ հայ կեանքն ու անոր ճակատագիրը տնօրինող բարձրագոյն կառոյցներուն մէջ, որպէս որոշում կայացնող, այր մարդուն հաւասար անձ ու անհատականութիւն: Վստահաբար, հայ կեանքը՝ ի Հայաստան եւ ի Սփիւռս, շատ բան պիտի շահեր եթէ հայուհին աւելի ներգրաւուէր ազգային-հասարակական-պետական կեանքի ամէնէն պատասխանատու պաշտօններու մէջ, եւ ոչ միայն իր գիտելիքներով ու

հմտութեամբ, այլեւ իր անձնագոհութեամբ, անկոտրում ոգիով, նուրբ զգայնութեամբ, խորաթափանցութեամբ ու հնարամտութեամբ՝ կարենար իր բարերար նպաստը բերել հայ կեանքի բարեկարգման եւ զարգացման կարեւոր գործին մէջ:

Հայ կինը մեր բազմահազարամեայ պատմութեան էջերուն մէջ արձանագրած է արիութեան, ազգային բարձր գիտակցութեան եւ հայրենապաշտութեան բազում սխրանքներ, մեծագործութիւններ, որոնք օղակ առ օղակ կ'ազդեցուն իրարու հասնելով մինչեւ մեր օրերը: Հեթանոսական շրջանի աստուածուհիներէն՝ «ոսկեմայր», «ոսկեմատն», «մայր զգաստութեանց» Անահիտի՝ պաշտամունքի արժանի կերպարէն մինչեւ հայ թագուհիներու, իշխանուհիներու հայրենակերտ ու հայրենապաշտպան վսեմ վարքագիծը. Մամիկոնեաններու Շուշանիկներէն եւ հայոց աշխարհի «Փափկասուն Տիկնայք»էն մինչեւ զէն ի ձեռին հայրենիքի ազատագրութեան համար մարտնչող, անմասնորդ գոհուելու պատրաստ Սօսէ մայրիկներն ու Ֆէտայի հայուհիները. հայ կեանքի զարթօնքին նուիրուած լուսամիտ ու յառաջապահ Արշակունի թեոդիկներէն, Սրբուհի Տիւսաբներէն ու Չապել Եսայեաններէն, մինչեւ Եղեռնի գեղեցիկ օրերուն, ամէն անձնական իրեղէն թողած, «Մշոյ Ճառընտիր» վիթխարի եւ արժեքաւոր գիրքը՝ թուրքին ետթաղանէն փրկող երկու մշակութանուէր հայուհիները եւ անոնց նմանները, որոնցմէ իւրաքանչիւրը իր մէջ կը խտացնէ հայ կնոջ իտեալի մեր հաւաքական կերպարը... Այդ կերպարի նորօրեայ մարմնաւորումն էին անկասկած Արցախեան ազատագրական պայքարի մէջ փայլատակած հայ հերոսուհի կիներն ու մայրերը, որոնց սերն ու նուիրումը առ հայրենին, անանձնական գոհողութիւնը յանուն անոր ազատութեան եւ արժանապատուութեան դարձան նորագոյն օրինակներ՝ ներշնչումի եւ ոգեշնչման....

Մեր պատմութեան երթին մէջ, հայ կնոջ թերեւս ամէնէն մեծ ու էական, անոր առանցքային դերակատարութիւնը եղեր է, սակայն, անոր մայրական առաքելութիւնը: Հայ կինն է եղած հայ ընտանիքի հիմնասիւնը՝ դարերու փոթորիկներուն ընդմէջէն, ան է որ սերունդէ-սերունդ պահեր-պահպաներ է հայ օճախը՝ աներեր, մեր մայրենին ու մեր սրբութիւնները՝ անաղարտ ու կենսունակ, հայ ոգին՝ ամուր ու լուսաւոր: Ազգի ու հայրենիքի հիմքը՝ առողջ ընտանիքն է որոշապէս, իսկ առողջ ընտանիքի հիմքը՝ հայ գիտակից մայրը: Ի զուր չէ ըսուած. «Մայրերու ափին մէջ պիտի փնտռել ազգերու ճակատագիրը»: Մայրն է որ իր զաւակներուն սրտին մէջ կը սերմանէ արժեքներ եւ առաքինութիւններ, ոգիի յատկանիշներ, կամ հակառակը: Դիպուկ է այն խօսքը որ կ'ըսէ. «Ո՛չ իմաստասերներ, ո՛չ ալ թագաւորներ օգնութեան կանչեցէք Հայրենիքին, այլ մայրական ազդեցութիւնը միայն», քանզի մայրն է որ իր հոգիէն՝ հոգի եւ ոգիէն՝ ոգի կը փոխանցէ իր զաւակներուն՝ իր ամէնօրեայ դաստիարակութեամբ, խրատներով ու յորդորներով եւ մանաւանդ իր անձնական կեանքի, սեփական վարքի օրինակով: Մայրական սեր, նուիրում, քնքրութիւն ճառագայթող եւ միաժամանակ տոկունութիւն, խիզախութիւն, արժանապատուութիւն արտացոլող իր անհատականութեամբ ու կենսակերպով: Մարդակերտումի եւ հայակերտումի առաջին դերակատարը, մարդ-անհատին ամէնէն ազդեցիկ եւ մնայուն դաստիարակը մայրն է:

Ըսուած է, որ Սպարտան՝ հնագոյն ժամանակներուն, կը հասցնէր հայրենապաշտ եւ աներկիւղ մարտիկներ, որովհետեւ մայրերու ցանկութիւնն էր՝ նման սերունդ տալ Հայրենիքին: Նոյն տրամաբանութեամբ ալ, հայ հայրենապաշտ, քաջարի մայրն է որ կրնայ ծնունդ եւ հոգեմտաւոր

անունդ տալ ազգասեր ու հայրենապաշտ սերունդի: Գարեգին Նժդեհ, որուն անունը յաճախ տեղի-անտեղի կը չարաշահուի մեր օրերուն, դիպուկ կերպով կը գրէ. «Հայ կինը: Սրա միջոցով հոգեփոխենք հայ ընտանիքը: Այդ վերջինի միջոցով՝ հայութիւնը: Սկսենք հայ կնոջից, աշխատենք անդով մինչեւ որ սրա կաթը դառնայ հայրենապաշտութեան սրբազան կաթ:....Հայ կնոջից սպասենք հոգեբանական այդ հրաշքը: Ունենանք առիւծածին մայրեր...»:

21-րդ դարուն յատկապէս՝ երբ համաշխարհայնացման ահեղ հողմերը կը միտին համահարթեցնել ու ջնջել ամէն ազգային արժէք ու ինքնութիւն, լեզու եւ մշակոյթ, պատմութիւն եւ յիշողութիւն....երբ կը խարխուլին ընտանիքի հիմքերը, կը սրբապղծուի մայրութեան խորհուրդը, երբ նիւթապաշտութիւնն ու գործնապաշտութիւնը կ'աւերեն ամէն հոգեմտաւոր արժէք ու սրբութիւն, երբ կը նահանջեն դարաւոր մարդկային անհոյսեր, հոգի եւ ոգի....եւ նոյնիսկ հայրենիքներ կը պարպուին իրենց ոգեղէնութենէն, դառնալու համար սոսկ բնակութեան վայր, ուրկէ դիւրաւ կարելի է արտագաղթել,.... երբ՝ «ո՛չ միայն հացիւ» ապրելու հոգեւոր-բարոյական անհրաժեշտութիւնը կը դառնայ իմաստազուրկ հասկացութիւն միայն, հայ մայր դաստիարակելը, հայ մայր ըլլալը կը դառնան՝ հոսանքն ի վեր թիավարելու մարտահրաւեր, այլեւ հրամայական անհրաժեշտութիւն՝ ազգի եւ հայրենիքի լինելութեան համար:

Իրենց զաւակը օտար դպրոց առաջնորդող, քաղքենիացած եւ օտարացած մայրերու կողքին, դեռ կա՛ն ու կ'ապրի՛ն գլխատառ հայ մայրեր, որոնց վսեմ օրինակը կրնայ վարակիչ դառնալ մեր երիտասարդ մայրերուն: Նման հերոսական ոգիով ամրապինդ Հայ Մայր է, անտարակոյս՝ վերջերս հերոսաբար նահատակուած Արմէն Յովհաննիսեանի մայրը, որ կը գրէր իր 30 Սեպտեմբեր 2014 թուակիր նամակին մէջ, հասցեագրուած Նիկոսիաբնակ անագ արիապետ Յարութիւն Անմահունիի. «Այրուամ է սիրտս զաւակիս կորստից, սակայն հպարտ եմ անսահմանօրէն՝ որդիս նահատակուեց քաջերի արիւնով սրբագործուած հայրենի հողի համար: Մենք՝ հայերս, հերոսածին ազգ ենք, անպարտելի է մեր ոգին....Հերոսները երբե՛ք չեն մեռնում, նրանց շնորհիւ է որ մեր հայրենիքը յաւերժ է....Արմէն իր անօրինակ սխրանքով մի լուսաւոր հետք թողեց համայն հայութեան սրտում...»:

Նման մայրը արժանի շառաւիղն է Մշոյ մայրիկներու եւ անոնց նմաններուն, որոնց սրտապնդող երգը ուղղուած իրենց որդւոյն՝ ՉԱՐԹԻՐ ԼԱՕ՝, պիտի հնչէ դարե-դար, ոգի արթնցնելու, ազգային-հայրենական հերոսութեան մղելու իրենց զաւակները, սե՛ր, նուիրո՛ւմ սնուցանելու դէպի հայրենի սուրբ հողը....ընդդէմ պարտուողականութեան, նահանջականութեան եւ ազգային-հայրենական դասալքութեան....

Ոգի սերմանողն է հայուհին՝ պատմութեամբ, ճակատագրով, դաստիարակութեամբ: Դարձեալ մէջբերենք Նժդեհի անմահ խօսքերը. «Հայուհի՛ն, որին կարելի է ճանաչել հազարաւոր օտարուհիների մէջ այն կնիքով, որ նրա ճակատին դրել է դարերու տառապանքը....Նրա հայրենասիրութիւնը՝ աստուածային կրակ, բոց ու ջերմութիւն, պիտի արթնացնի թմրած առիւծը իր ժողովրդի մէջ, պիտի բարձրացնի մեր առօրեայ կեանքի թափը, պիտի քաղցրացնի ու հեշտացնի անձնագրհոութիւնը: Ոգիացած հայրենասիրութիւն, որից ժողովուրդները ստեղծում են մի հրաշագործ ոյժ, անհրաժեշտ Հայրենիքների անկախութեան ու հզօրութեան համար»:

Կա՞յ աւելի խորիմաստ եւ խորախորհուրդ պատգամ ուղղուած հայ կնոջ եւ հայ մօր՝ Մարտ 8-ի առիթով եւ ընդհանրապէս ալ:

